



Ons praat

- Het jy al ooit 'n nagmerrie gehad?
- Waarvan het jy gedroom?
- Het jy al ooit gedroom van 'n boek wat jy besig was om te lees?



Ons lees



Voordat jy lees

- Kyk na die prente en opskrifte en probeer voorspel waaroor die teks sal handel.
- Vluglees die bladsy om 'n aanduiding van die inhoud te kry.



Terwyl jy lees

- Vergelyk jou voorspellings met die teks.
- As daar iets is wat jy nie verstaan nie, lees dit weer stadig deur. Lees dit hardop.



Een nag lê Lindie in die bed en lees van krokodille in haar

gunstelingtydskrif, *Diere van ons Land*.

Voordat sy aan die slaap raak, sit sy die tydskrif op die boekrak buite die badkamer neer. Later

daardie nag, toe sy

badkamer toe gaan, hoor sy 'n sissgeluid wat

uit die boekrak kom. Omdat sy half aan die slaap is, gee sy nie regtig aandag daaraan nie. Maar toe begin die hoop koerante en tydskrifte op die boekrak beweeg. Die stapel

koerante val om, en skielik lê die tydskrifte en boeke gesaai oor die vloer en word die gesis al harder.

Lindie kan haar oë nie glo nie: 'n grommende,

snorkende krokodil kruip uit die boekrak uit. Sy bly versteen staan. Sy kyk hoe die krokodil uit die boekrak uitkruip en stadig in die vertrek rondkyk. Dit lyk asof hy sopas uit die water gekom het. Sy hele lyf is druipnat en hy maak 'n dam water op die vloer. Die krokodil maak 'n sissgeluid en swaai sy kop en stert heen en weer. Hy maak sy bek oop en Lindie sluk hard toe sy die ry lang tande sien.

Die tydskrif *Diere van ons Land* lê op die vloer langs die krokodil. Iets omtrent die tydskrif lyk nie heeltemal reg nie, en toe sien sy die prent op die buiteblad lyk anders. In plaas van 'n groot krokodil op 'n rivieroewer, is dit nou net 'n prent van 'n leë oewer. Sy tel die tydskrif op. Net toe slaan die krokodil so hard met sy stert dat hy haar ma se gunstelingblompot breek en glasstukke oor die vloer spat. Lindie hardloop na haar kamer toe en klap die deur toe.

Sy gaan sit op haar bed, baie verlig. "Dalk kan ek van hom ontlae raak deur hom iets te ete te gee," dink sy.



Sy kyk na die tydskrif *Diere van ons Land* en sê vir haarself: "As die krok uit die prentjie kon kruip, kan ander diere dit dalk ook doen." Sy blaai deur die tydskrif en kry 'n prentjie van 'n klomp flaminke.



"Dit sal 'n goeie maaltyd vir die krok wees," dink sy. Toe laat 'n harde klapgeluid haar wip, en sy sien die punt van die krokodil se stert deur die versplinterde deur steek.

Deur Franz Hohler

(Aangepas uit die PIRLS).



Ons doen

Hierdie sinne oor Lindie se storie is in die verkeerde volgorde. Nommer hulle in die korrekte volgorde. Ons het 'n paar van hulle genommer om jou te help.



	Later het sy badkamer toe gegaan.
	Sy sien 'n krokodil wat sis en sy kop en stert heen en weer swaai.
2	Sy raak aan die slaap.
	Sy sluit haarself in die slaapkamer toe.
	Sy kry 'n prentjie van flaminke.
	Die krokodil vreet die flaminke op.
9	Die krokodil raak aan die slaap.
	Die flaminke spring uit die prentjie uit.
1	Lindie lees die tydskrif <i>Diere van ons Land</i> en sit dit op die boekrak neer.

Meer oor die krokodil



Ons skryf

Lees die storie, "'n Ongelooflike Nag", en beantwoord hierdie vrae dan deur die letter langs die regte antwoord te omring.



Wat was die eerste teken dat iets buitengewoon besig was om te gebeur?

- | | |
|---|--|
| a | Die stapel koerante het begin beweeg. |
| b | Lindie het gesien die prentjie op die tydskrif se buiteblad is leeg. |
| c | Haar kamerdeur was stukkend. |
| d | Lindie het 'n sissgeluid gehoor. |

Hoe is die slaapkamerdeur gebreek?

- | | |
|---|---|
| a | Die krokodil se tert het dit stukkend geslaan. |
| b | Haar ma se blompot het daarteen vasgeskiet. |
| c | Die flaminke se skerp bek het daarteen gekap. |
| d | Lindie het die deur so hard geklap dat dit gebreek het. |

Waar het die krokodil vandaan gekom?

- | | |
|---|--------------------------|
| a | Die badkamer |
| b | 'n Tydskrif se buiteblad |
| c | Onder die bed uit |
| d | Van 'n rivier daar naby |

Watter woorde sê vir ons dat Lindie bang was?

- | | |
|---|-------------------------|
| a | Versteen staan |
| b | Kon haar oë nie glo nie |
| c | Was verlig |
| d | Hoor 'n sissgeluid |

Waarom het Lindie gedink dat die krokodil haar wou aanval?

- | | |
|---|---------------------------------------|
| a | Hy het sy tande gewys. |
| b | Hy het hard gesis. |
| c | Hy het begin grom en snork. |
| d | Hy het sy stert heen en weer geswaai. |

Waarom het Lindie die flaminke uit die tydskrif geroep?

Noem twee maniere waarop die tydskrif Lindie gehelp het.

Bywoorde: Ons noem woorde wat werkwoorde beskryf, **bywoorde**, bv. Die krokodil se stert het die deur **stukkend geslaan**. **Stukkend** beskryf *hoe* dit geslaan is. Bywoorde het gewoonlik ook trappe van vergelyking: stukkend, stukkender, stukkendste.

1. Onderstreep die **werkwoorde** in al die antwoorde.
2. Omring die **bywoorde** wat daarby pas (as daar is) met geel.





nuwe woorde

Dink jy die krokodilstorie was deel van Lindie se droom?
Gee een bewys dat dit 'n droom was.

Wat noem ons
dit in Afrikaans
wanneer ons sê dat
iets nie so is nie?
Dit is **ontkenning**.

Gee nou een feit wat bewys dat dit nie 'n droom was nie.

Selfstandige werkwoorde

In Afrikaans kry ons **selfstandige werkwoorde**. Dit is werkwoorde wat 'n verlede tyd kan hê.

Sy **stap** huis toe.
Sy het huis toe **gestap**.



Ons skryf

Onthou jy nog dat **persoonlike voornaamwoorde** in die plek van iemand se naam gebruik word?

Lees die sinne en onderstreep dan die **selfstandige werkwoorde**. Omkring in elke sin die **onderwerp** (die een wat die aksie/werk doen). Hierdie woorde sal almal óf 'n **selfstandige naamwoord** óf 'n **persoonlike voornaamwoord** wees.

Ek gaan supermark toe.	Hy drink melk.
Sy gaan swembad toe.	Hulle kyk na die wedstryd.
Hulle het stadion toe gegaan.	Ek ry fiets.
Jy speel voetbal.	Sy borsel haar hare.
Ek lees 'n boek.	Hy hardloop elke dag skool toe.

Deelwoorde is woorde wat twee funksies deel, bv. gesnyde boontjies.

Dit lyk na 'n byvoeglike naamwoord en na 'n werkwoord.

Onderstreep die **deelwoorde** in die volgende sinne:

Die hardlopende seun is uitasem.


Die gebreekte koppie lyk sleg.

Die huilende baba maak my gek!



Ons skryf

Beplan om 'n beskrywing van 'n droom of nagmerrie wat jy gehad het, te skryf. Gebruik die geheuekaart vir jou beplanning.



Jou onderwerp is: **"Verlede nag het ek gedroom ..."**. Vul jou hoofdees op die geheuekaart in. Sê wat jy gedoen het voordat jy gaan slaap het, wat in jou droom gebeur het en hoe dit geëindig het. Vertel hoe jy tydens die droom gevoel het. Was jy bang?

Nadat jy dit gedoen het, moet jy 3 of 4 paragrawe oor jou droom skryf. Skryf jou beskrywing eers op rofwerkpapier. Vra jou maat om dit na te gaan. Mōre gaan jy jou werk netjies in die volgende werkkaart oorskryf.

5

Toe ek wakker geword het

1

Voordat ek gaan slaap het

2

Hoe die droom begin het

"Verlede nag het ek gedroom ..."

4

Hoe die droom geëindig het



3

Hoe ek tydens die droom gevoel het



- Gebruik 'n geheuekaart om jou te help om jou skryfstuk te beplan. • Skryf dit eers op rofwerkpapier. • Vra 'n maat om dit vir jou te korrigeer. • Hersien jou teks en bring die nodige korreksies aan. • Skryf dit dan netjies in jou boek oor.

Ek skryf my storie



Ons skryf

Skryf jou storie netjies in die spasie hieronder oor.

Verlede nag het ek gedroom dat ...

